

դադարիմք յամենայնի յայսմ գործոյ 'ի յափշտակութիւն ազգային դարաւոր իրաւանց եւ 'ի կործանումն Աթոռոյ ձերոյ, և այլ սոցին նման բանք աղքողականք: Յայս նամակ ձեռնարկեալ կնքեցին ամենեքեան, որք էին Յովհաննէս Պատրիարք Կոստանդինուպօլսոյ, Պօղոս եպիսկոպոս Պրուսայի, Աստուածատուր եպիսկոպոս Էջմիածնի, Քեահեայ Կարապետ Ազնաւորեան, Յովհաննէս Տիւղեան, Մկրտիչ Աւիրարեան, Յակոբ Լաթիֆեան, Յովհաննէս Յարութեան, Առաքել Վառօգապետ, Մանուկ Աստուածատուրեան, Գասպար Գէորգեան, Անտօն Գլճեան, Յակոբ Թնկրեան, Անտօն Տավուտեան, Գրիգոր Գէորգեան, Յարութիւն Նորատունկեան, Մանուէլ:

Գրեաց և նա ինքն Պօղոս վարդապետ՝ Փոխանորդն Երուսաղէմի վասն այսր առ Թէոդորոս երկար բանիւք եւ ստիպելով զնա. « Լաւ իմա ասէ՛ Տէր իմ, զի եթէ չէ օրէն ելանել հրովարտակաց յԱթոռոյ, յայնժամ օրինաւոր տեղիք մեր, ապօրինի ըռնաբարին յօտարաց, եւ զկնի մահուան հիւանդին՝ դեղ պատրաստել անօգուտ. երանի թէ մինչեւ ցարդ յղեալ էիք զնոսա, և մեծ շահ լինէր մեզ, և լուր ուրախութեան աւետեայք ձեզ »: Ապա կալան զերկուս սուրհանդակս, և եղին ընդ նոսա զերկուս արս հաւատարիմս, Քիւփելի Աբրահամ և Կարապետ վանահայր Իսկիւտարի, և արձակեցին զնոսա յերուսաղէմ, պատուէր տուեալ նոցա, զի սուրհանդակքն մնացեն 'ի Սամարիա, և ինքեանք իրրեւ ուխտաւոր մօցեն յերուսաղէմ: Հասին արքն 'ի քաղաքն Ս. (յ7 Սեպտեմբերի) և մատուցին զգրեանս առ Թէոդորոս Պատրիարք, և նա ընթերցաւ առաջի միաբանաց, և աճապարեալ պատրաստեաց զհրովարտական, որք էին թուով 10, սկսեալ 'ի Սուլթան Սէլիմայ առաջնոյ և որդւոյ նորին Սիւլէյմանայ, և այլքն զկնի նոցին մի ըստ միով՝ 'ի Թադաւորացն Օսմանցւոց, ամենեքեան հիմնեալ 'ի վերայ հրովարտակին Սէլիմայ իրրեւ 'ի միոյ աղբերէ բղխեալ. և յանձն արար զնոսա խնամով Սահակ միաբանի և արանցն որք եկեալ էին: Էառ նաեւ գիր 'ի դատաւորէն ըստ տրամադրութեան նոցին ստորագրութեամբ մեծամեծացն այլազգեաց: Գրեաց և ինքն գիր առ Իշխանաւորս աղգին, և